



**БУЛГАН АЙМГИЙН ЗАСАГ ДАРГЫН
ЗАХИРАМЖ**

2022 оны 10 сарын 19 өдөр

Дугаар А/647

Булган сум

Зөвлөлийн бүрэлдэхүүн батлах тухай

Монгол улсын Инновацийн тухай хуулийн 5 дугаар зүйлийн 5.1, 7 дугаар зүйлийн 7.1.3, 11 дүгээр зүйлийн 11.1 дэх заалт, Засгийн газрын 2021 оны болон Боловсрол, шинжлэх ухааны сайдын 2022 оны "Аймаг, нийслэлийн шинжлэх ухаан, технологийн зөвлөлийн үлгэрчилсэн дүрмийг тус тус үндэслэн ЗАХИРАМЖЛАХ нь:

1. Булган аймгийн шинжлэх ухаан, технологийн зөвлөлийн дүрмийг нэгдүгээр хавсралтаар, зөвлөлийн бүрэлдэхүүнийг хоёрдугаар хавсралтаар, зөвлөлийн 2022-2024 оны төлөвлөгөөг гуравдугаар хавсралтаар баталсугай.

2. Энэхүү дүрмийг үйл ажиллагаандаа мөрдөн, тайлагнаж ажиллахыг аймгийн Засаг даргын орлогч (Д.Жаргалсайхан)-д, үйл ажиллагааг ханган, хэрэгжүүлж ажиллахыг Боловсрол, шинжлэх ухааны газар (Ж.Ганболд)-т, дүрмийн хэрэгжилтэд хяналт тавьж ажиллахыг аймгийн Засаг даргын Тамгын газрын Нийгмийн бодлогын хэлтэс (М.Батчимэг)-т тус тус үүрэг болгосугай.



БУЛГАН АЙМГИЙН ШИНЖЛЭХ УХААН ТЕХНОЛОГИЙН
ЗӨВЛӨЛИЙН ДҮРЭМ

Нэг: Нийтлэг үндэслэл:

- 1.1. Энэхүү дүрэм нь Булган аймгийн шинжлэх ухаан, технологийн зөвлөл /цаашид "Зөвлөл" гэх/-ийн бүтэц зохион байгуулалтыг тогтоож, үйл ажиллагааг зохицуулна.
- 1.2. Зөвлөл нь Булган аймагт шинжлэх ухаан, технологи, инновацийг хөгжүүлэх бодлого, тэргүүлэх чиглэлийг тодорхойлж, орон нутгийн захиалгат төслийг дэвшүүлэх, захиалах, гүйцэтгэлийн явцад хяналт тавих, үр дүнг хүлээж авах, үнэлэх, үйлдвэрлэл үйлчилгээнд нэвтрүүлэх, инновацийн төсөл, хөтөлбөр боловсруулж, хэрэгжүүлэх, шинжлэх ухааны шинэ мэдлэг, инноваци, технологийн ололтыг сурталчлах, түгээн дэлгэрүүлэх ажлыг зохион байгуулна.
- 1.3. Зөвлөл нь Шинжлэх ухаан, технологийн тухай, Инновацийн тухай, Технологи дамжуулах тухай хууль болон Монгол Улсын бусад хууль тогтоомж, шинжлэх ухаан, технологи, инноваци болон оюуны өмчийг хөгжүүлэх чиглэлээр баталсан Засгийн газар, шинжлэх ухаан, технологи, инновацийн асуудал хариуцсан төрийн захиргааны төв байгууллагын болон аймгийн Засаг даргын шийдвэр, Шинжлэх ухаан, технологийн үндэсний зөвлөлийн зөвлөмж, энэхүү дүрмийг удирдлага болгон ажиллана.
- 1.4. Шинжлэх ухаан, технологийн үндэсний зөвлөл нь аймаг орон нутагт байгууллагуудын үйл ажиллагааг уялдуулан зохицуулж, мэргэжил арга зүйн удирдлагаар хангаж, үйл ажиллагаанд нь дэмжлэг үзүүлж ажиллана.
- 1.5. Зөвлөлийн дарга нь зөвлөлийн үйл ажиллагааг аймаг, нийслэлийн Засаг даргад хариуцан тухай бүрт тайлагнана.
- 1.6. Зөвлөлийн шийдвэр нь тогтоол, тэмдэглэл байна. Зөвлөл нь зохих журмын дагуу хийгдсэн албан бичгийн хэвлэмэл хуудас хэрэглэж болно.
- 1.7. Зөвлөлийн үйл ажиллагааны зардлыг аймгийн Засаг даргын тухайн жилийн төсөвт тусган санхүүжүүлнэ.

Хоёр. Зөвлөлийн бүтэц, зохион байгуулалт

- 1.1. Зөвлөл нь аймагт 10-аас доошгүй гишүүнтэй байх ба гишүүдийн 60-аас доошгүй хувь нь эрдмийн зэрэг, цолтой байна.
- 1.2. Зөвлөлийн дарга нь аймгийн нийгэм, эдийн засгийн хөгжлийн асуудал хариуцсан орлогч дарга, орлогч дарга нь аймгийн боловсрол, шинжлэх ухааны газрын дарга, нарийн бичгийн дарга нь аймгийн Засаг даргын тамгийн газрын НБХ-ийн боловсролын бодлого хариуцсан мэргэжилтэн байна.
- 1.3. Зөвлөлийн бүрэлдэхүүнийг аймгийн Засаг даргын захирамжаар баталгаажуулна.
- 1.4. Зөвлөлийн бүрэлдэхуун нь аймаг, нийслэлийн төрийн захиргааны байгууллага, орон нутгаас төрж гарсан тэргүүлэх эрдэмтэд, эрдэм

шинжилгээний байгууллага, их сургууль, хувийн хэвшил, үйлдвэр, аж ахуйн нэгж, мэргэжлийн холбоод, төрийн бус байгууллагын төлөөллөөс бүрдэнэ. Захиргааны байгууллагын төлөөлөл бүрэлдэхүүний гуравны нэгээс хэтрэхгүй байна.

- 1.5. Зөвлөлийн дарга нь дор дурдсан чиг үүргийг хэрэгжүүлнэ.
- 1.5.1. Зөвлөлийн үйл ажиллагааны тухайн жилийн төлөвлөгөө боловсруулах, зөвлөлөөр батлуулах, түүний хэрэгжилтийг хангах зохион байгуулалтын арга хэмжээ авах;
- 1.5.2. Шинжлэх ухаан, технологийн үндэсний зөвлөл, шинжлэх ухааны асуудал эрхэлсэн төрийн захиргааны төв байгууллага болон бусад зөвлөлтэй хамтран ажиллаж, үйл ажиллагаагаа уялдуулах;
- 1.5.3. Зөвлөлийн хурлын шийдвэрийг холбогдох байгууллагуудад хүргүүлэх, шийдвэрийн биелэлтэд хяналт тавьж дүн, явцыг Засаг даргад тайлагнах;
- 1.5.4. Шинжлэх ухаан, технологийн болон инновацийн үйл ажиллагааны талаарх тайлангаа Шинжлэх ухаан, технологийн үндэсний зөвлөлд жил тутам хүргүүлэх

Гурав. Зөвлөлийн бүрэн эрх

- 3.1. Зөвлөл нь Шинжлэх ухаан, технологийн тухай хуулийн аймаг, орон нутагт хамаарах асуудлийн холбогдох зүйл, хэсэг, заалт болон Инновацийн тухай хуулийн 11 дүгээр зүйлд заасан бүрэн эрхийг хэрэгжүүлэхэд удирдлага, зохион байгуулалтаар хангаж ажиллана.
- 3.2. Зөвлөлийн хурлаар дараах асуудлыг хэлэлцэн шийдвэрлэнэ.
 - 3.2.1. аймгийн нийгэм, эдийн засаг, байгаль экологийн тулгамдсан асуудлууд, хөгжлийн бодлогын баримт бичгүүд, түүний хэрэгжилтийн байдалд хийсэн дүн шинжилгээ;
 - 3.2.2. орон нутагт шинжлэх ухаан, технологи, инновацийн чиглэлээр авч хэрэгжүүлж буй төрийн бодлого, хууль тогтоомжийн хэрэгжилтийг хангах;
 - 3.2.3. аймагт хэрэгжүүлэх шинжлэх ухаан, технологи болон инновацийн төсөл, хөтөлбөр, орон нутгийн захиалгат төслийн захиалга, саналыг хууль тогтоомжид нийцүүлэн хэлэлцэх, зөвлөмж гарган дээд байгууллагад уламжлах;
 - 3.2.4. шинжлэх ухаан, технологи, инновацийг хөгжүүлэхэд шаардагдах хөрөнгийг орон нутгийн төсөвт тусган хэрэгжүүлэх, шаардагдах санхүүжилтийн эх үүсвэрийг бүрдүүлэх;
 - 3.2.5. инновацийн үйл ажиллагааг дагнан эрхлэх үүрэгтэй орон нутгийн өмчит болон орон нутгийн өмчийн оролцоотой хуулийн этгээд байгуулж ажиллуулах;
 - 3.2.6. орон нутагтаа инновацийг хөгжүүлэхэд хувийн хэвшлийн оролцоог хангах, хамтарсан санхүүжилттай төсөл хэрэгжүүлэх;
 - 3.2.7. орон нутагт хэрэгжүүлж байгаа ШУТ-ийн теслүүд, тэдгээрийн үр дүнг хэлэлцэн үнэлэлт, дүгнэлт өгөх;
 - 3.2.8. шинэ технологи нэвтрүүлэх, нутагшуулах, технологийн парк, инкубатор, технологи дамжуулах төв, гарааны компани зэрэг шинжлэх ухаан, технологи, инновацийн дэд бүтцийг байгуулах, хөгжүүлэх асуудлаар санал зөвлөмж боловсруулж, хурлын шийдвэрийг холбогдох дээд байгууллагад уламжлах;
 - 3.2.9. шинжлэх ухаан, технологийн шинэ мэдлэг, инновацийн соёлыг сурталчлах, түгээн дэлгэрүүлэх;
 - 3.2.10. хууль тогтоомжид заасан бусад чиг үүрэг;
- 3.3. Зөвлөл нь хуулиар олгогдсон бүрэн эрхээ хэрэгжүүлэхдээ дор дурдсан бүрэн

эрх эдэлнэ.

- 3.3.1. шинжлэх ухаан, технологи, инновацийн асуудлаар дээд боловсрол, эрдэм шинжилгээний байгууллага, аж ахуйн газраас холбогдох мэдээллийг гаргуулан авах;
- 3.3.2. зөвлөлийн эрхлэх асуудлаар орон нутгийн захиргааны холбогдох албан тушаалтан, аж ахуйн нэгж, байгууллагын удирдлагын илтгэл, сонсголыг хэлэлцэх;
- 3.3.3. шинжлэх ухаан, технологийн болон инновацийн хөтөлбөр, төслийн хэрэгжилтийн явц, гүйцэтгэлд дүгнэлт өгөх ажлын хэсэг байгуулан ажиллуулах, тайланг хэлэлцэх;

Дөрөв. Зөвлөлийн ажиллах дүрэм

- 4.1. Зөвлөлийн үйл ажиллагааны үндсэн хэлбэр нь зөвлөлийн гишүүдийн хурал байна. Зөвлөл нь жилд 2-оос доошгүй удаа хуралдах бөгөөд зөвлөлийн дарга ээлжит бус хурлыг зарлан хуралдуулж болно.
- 4.2. Зөвлөлийн хурлын хөтөлбөр, хэлэлцүүлэх асуудлын танилцуулга, бусад холбогдох материалыг хурлыг товлосон өдрөөс ажлын 3 хоногийн өмнө зөвлөлийн гишүүдэд хүргүүлнэ.
- 4.3. Зөвлөлийн гишүүн нь хуралд хүндэтгэх шалтгаанаар оролцох боломжгүй тохиолдолд Зөвлөлийн нарийн бичгийн даргад урьдчилан мэдэгдэнэ.
- 4.4. Хурлыг зөвлөлийн дарга удирдана. Зөвлөлийн даргын эзгүйд хурлыг орлогч дарга удирдана. Хурлын тэмдэглэлийг нарийн бичгийн дарга хөтөлнө.
- 4.5. Зөвлөлийн гишүүдийн 60-аас доошгүй хувь нь хуралд оролцсон тохиолдолд хурлыг хучинтэйд тооцох ба хурлын дэгийг гишүүдийн олонхийн саналаар баталж мөрдөнө.
- 4.6. Зөвлөлийн хурлаар хэлэлцэх асуудлаар албан ёсны санал, дүгнэлт бэлтгэх үүрэг бүхий шинжээчид, ажлын хэсгийг томилон ажиллуулж болно.
- 4.7. Хэлэлцэх асуудалд холбогдох байгууллагын удирдлага, эрх бүхий албан тушаалтныг байлцуулна.
- 4.8. Зөвлөлийн гишүүн нь хурлын ажиллагаанд идэвхтэй оролцож, хэлэлцэж буй асуудлаар асуулт тавьж хариулт авах, санал дүгнэлтээ чөлөөтэй илэрхийлэх эрхтэй.
- 4.9. Зөвлөлийн гишүүд болон албан ёсоор томилогдсон шинжээч, ажлын хэсгийн гишүүдэд тодорхой хэмжээний урамшуулал олгоно.
- 4.10. Зөвлөлийн хуралд оролцсон гишүүдийн олонхийн саналаар асуудлыг шийдвэрлэнэ.
- 4.11. Хурлын дарга хэлэлцэж буй асуудлаар гишүүдийн санал дүгнэлтийг нэгтгэн хурлаас гарах шийдвэрийн төслийг танилцуулна.
- 4.12. Хурлын дарга хурлын шийдвэрийг аймгийн Засаг даргад танилцуулна. Шаардлагатай тохиолдолд асуудлыг аймгийн Засаг дарга болон орон нутгийн хурлын байгууллага эцэслэн шийдвэрлэнэ.
- 4.13. Зөвлөл нь Шинжлэх ухаан, технологийн үндэсний зөвлөлтэй нягт уялдаа холбоотой ажиллаж, ажлын тайлангаа хагас жил тутам тус зөвлөлд ируулнэ.
- 4.14. Хурлын шийдвэрийн хэрэгжилтийг хангах ажлыг зөвлөлийн орлогч дарга, шийдвэрийн хэрэгжилтийг гишүүдэд мэдээлэх ажлыг нарийн бичгийн дарга тус тус хариуцна.

Аймгийн Засаг даргын 2022 оны 19 дугаар сарын 19 ны өдрийн А/БНЗ дүгээр захирамжийн хоёрдугаар хавсралт

БУЛГАН АЙМГИЙН ШИНЖЛЭХ УХААН ТЕХНОЛОГИЙН
ЗӨВЛӨЛИЙН БҮРЭЛДЭХҮҮН

- Зөвлөлийн дарга: Д.Жаргалсайхан (Аймгийн Засаг даргын орлогч)
- Орлогч дарга: Ж.Ганболд (Боловсрол, шинжлэх ухааны газрын дарга)
- Гишүүд: Ч.Батсүх (Шинжлэх Ухааны Академийн Технологийн
инкубаторийн захирал, Булган аймгийн ИТХ-ын төлөөлөгч)
- Д.Чимгээ (Аймгийн Засаг даргын зөвлөх)
- Ц.Уранцэцэг (Маргад дээд сургуулийн тэнхмийн
эрхлэгч, доктор)
- Б.Өнөболд (Аймгийн Засаг даргын Тамгын газрын Хөгжлийн
бодлого төлөвлөлт, хөрөнгө оруулалтын хэлтсийн
мэргэжилтэн)
- Д.Дарьсүрэн (Ахмад багш, доктор)
- Г.Нансалмаа(Боловсрол, шинжлэх ухааны газрын
мэргэжилтэн)
- Н.Пүрэвсайхан (Хөдөө аж ахуй МСҮТ-ийн захирал)
- Д.Баттуяа (Булган хангай МСҮТ-ийн захирал)
- Х.Мөнхбаатар (Хувиараа үйлдвэрлэл эрхлэгч)
- Д.Мэндсайхан (Ажил олгогч эздийн холбооны тэргүүн)
- Д.Оюунгэрэл (ХАҮТ-ын орон нутаг дахь төлөөлөгч)



Аймгийн Засаг даргын 2022 оны 10 дугаар сарын 15-ны өдрийн А/БНД дүгээр захирамжийн гуравдугаар хавсралт

БУЛГАН АЙМГИЙН ШИНЖЛЭХ УХААН ТЕХНОЛОГИЙН ЗӨВЛӨЛИЙН 2022-2024 ОНД ХЭРЭГЖҮҮЛЭХ АЖЛЫН ТӨЛӨВЛӨГӨӨ

Д/д	Хэрэгжүүлэх үйл ажиллагаа	Хугацаа	Шалгуур үзүүлэлт	Санхүү, хөрөнгө	Суурь түвшин	Хүрэх түвшин	Хариуцах хүн	Хамтран ажиллах байгууллага, хүн
Нэг. Зөвлөлийн даргын чиг үүргийн хүрээнд хэрэгжүүлэх арга хэмжээ								
1.1.	Зөвлөлийн үйл ажиллагааны тухайн жилийн төлөвлөгөө боловсруулах, зөвлөлөөр батлуулах, түүний хэрэгжилтийг хангах зохион байгуулалтын арга хэмжээ авах							
1.2.	Шинжлэх ухаан, технологийн үндэсний зөвлөл, шинжлэх ухааны асуудал эрхэлсэн төрийн захиргааны төв байгууллага болон бусад зөвлөлтэй хамтран ажиллаж, үйл ажиллагаагаа уялдуулах							
1.3.	Зөвлөлийн хурлын шийдвэрийг холбогдох байгууллагуудад хүргүүлэх, шийдвэрийн биелэлтэд хяналт тавьж дүн, явцыг Засаг даргад тайлагнах							
1.4.	Шинжлэх ухаан, технологийн болон инновацийн үйл ажиллагааны талаарх тайлангаа Шинжлэх ухаан, технологийн үндэсний зөвлөлд жил тутам хүргүүлэх							

Хоёр: Хурлаар хэрэгжүүлэх арга хэмжээ

2.1	Аймгийн нийгэм, эдийн засаг, байгаль экологийн тулгамдсан асуудлууд, хөгжлийн бодлогын баримт бичгүүд, түүний хэрэгжилтийн байдалд хийсэн дүн шинжилгээ хийх								
2.2	Орон нутагт шинжлэх ухаан, технологи, инновацийн чиглэлээр авч хэрэгжүүлж буй төрийн бодлого, хууль тогтоомжийн хэрэгжилтийг хангах								
2.3	Аймагт хэрэгжүүлэх шинжлэх ухаан, технологи болон инновацийн төсөл, хөтөлбөр, орон нутгийн захиалгат төслийн захиалга, саналыг хууль тогтоомжид нийцүүлэн хэлэлцэх, зөвлөмж гарган дээд байгууллагад уламжлах								
2.4	Шинжлэх ухаан, технологи, инновацийг хөгжүүлэхэд шаардагдах хөрөнгийг жил бүр орон нутгийн төсөвт тусган хэрэгжүүлэх, шаардагдах санхүүжилтийн эх үүсвэрийг бүрдүүлэхэд анхаарч ажиллах								
2.5	Инновацийн үйл ажиллагааг дагнан эрхлэх үүрэгтэй орон нутгийн өмчит болон орон нутгийн өмчийн оролцоотой хуулийн этгээд байгуулж, ажиллуулах								
2.6	Инновацийг хөгжүүлэхэд хувийн хэвшлийн оролцоог хангах, хамтарсан санхүүжилттэй төсөл хэрэгжүүлэх								
2.7	Орон нутагт хэрэгжүүлж байгаа ШУТ-ийн төслүүд, тэдгээрийн үр дүнг хэлэлцэн үнэлэлт, дүгнэлт өгөх;								
2.8	Шинэ технологи нэвтрүүлэх, нутагшуулах, технологийн парк, инкубатор, технологи дамжуулах төв, гарааны компани зэрэг шинжлэх ухаан, технологи, инновацийн дэд бүтцийг байгуулах, хөгжүүлэх асуудлаар санал зөвлөмж боловсруулж, хурлын шийдвэрийг холбогдох дээд байгууллагад уламжлах								

2.8	Шинжлэх ухаан, технологийн шинэ мэдлэг, инновацийн соёлыг сурталчлах, түгээн дэлгэрүүлэх									
2.9	Аймаг, орон нутаг, бүсийн түвшинд тулгамдсан асуудлыг шийдвэрлэх чиглэлээр эрдэм шинжилгээний байгууллага, их, дээд сургуулиудтай хамтран ажиллах;									
2.10	Шинжлэх ухаан, технологи, инновацийн үйл ажиллагааг дэмжсэн дэд бүтэц (шинжлэх ухаан, технологи, инновацийн төв, технологи дамжуулах төв, хамтын оффис гэх мэт)-ийг бий болгон, тус салбарт оруулж буй санхүүжилтийг бүртгэлжүүлэх, санхүүжилтийн хэмжээг нэмэгдүүлэх, санал санаачилга гаргах									
2.11	Эрдэм шинжилгээний байгууллага, их, дээд сургууль, хувийн хэвшилтэй хамтран шинэ санал, санаачилга, хамтарсан төсөл, хөтөлбөрийг хэрэгжүүлэх, грант олгох;									
2.12	Орон нутгийн иргэдэд шинжлэх ухаан, технологи, инновацийн судалгаа хөгжүүлэлтийн үр дүнд бий болсон бүтээгдэхүүн, үйлчилгээг сурталчлах .									
2.13	Тухайн орон нутгийн иргэдийн үүсгэн байгуулсан гарааны компанид санхүүгийн дэмжлэг үзүүлэх, гарааны бизнес эрхлэх, хөгжүүлэхэд чиглэсэн сургалтыг үе шаттай, тогтмол зохион байгуулах									
2.14	Аймаг орон нутгийн онцлогт тулгуурлан байгаль нийгмийн шинжлэх									

	ухааны танин мэдэхүйн контентийг бүтээж, орон нутгийн болон үндэсний олон нийтийн радио телевиз, хэвлэл мэдээллийн хэрэгслээр түгээн дэлгэрүүлэх.									
2.15	"Mop X-Prize" санаачлагын хүрээнд аймаг дүүргийн хэмжээнд тулгарж байгаа асуудлыг шинжлэх ухаанчаар шийдсэн 1 инновацийн төслийг иргэдийн оролцоотой нээлттэй сонгон шалгаруулж, грант олгох ажлыг орон нутгийн хэмжээнд зохион байгуулах									
2.15	"Тэр бум мод" үндэсний санаачлагын хүрээнд үндэсний сургагч багш бэлтгэх сургалтыг мэргэжлийн байгууллагатай хамтран орон нутагт зохион байгуулах									
<u>Гурав. Бүрэн эрхээ хэрэгжүүлэх хүрээнд</u>										
3.1	Шинжлэх ухаан, технологи, инновацийн асуудлаар дээд боловсрол, эрдэм шинжилгээний байгууллага, аж ахуйн газраас холбогдох мэдээллийг гаргуулах									
3.2	Зөвлөлийн эрхлэх асуудлаар орон нутгийн захиргааны холбогдох албан тушаалтан, аж ахуйн нэгж, байгууллагын удирдлагын илтгэл, сонсголыг хэлэлцэх									
3.3	Шинжлэх ухаан, технологийн болон инновацийн хөтөлбөр, төслийн хэрэгжилтийн явц, гүйцэтгэлд дүгнэлт өгөх ажлын хэсэг байгуулан ажиллуулах, тайланг хэлэлцэх									